

i vu Szlovke szlagati; iliti je Navuk, koj vuchi prav chteti.

Kaj je Szlova?

Je najmensha Ztran Rechi, koja szama poszeb piszatisze more.

Kuliko je Szlov?

Diaki imaju 23 Szlove. A. B. C. D. E. F. G. H. I. K. L. M. N. O. P. Q. R. S. T. U. V. X. Y. Z. Zmed kojeh gerchke jeszu K. Y. Z.

Kaksze deliju Szlove?

Na V o c a l e s iliti Szamoglasznike, i Consonantes Zkupglasznike.

Kaj je Szamoglasznik?

Je Szlova, koja prez Pomochi druge Szlove szvoj Glasz ima. v. P. A, ovde nijedne druge Szlove Glasz nechujesze.

Kuliko je Szamoglasznikov?

Pet, diachkeh. A. E. I. O. U. i jeden gerchki Y, iz kojeh nachinyajusze shezt. Dvojglaszniki, ae, au, ei, eu, oe, yi, v. P. praemium, aurum, hei, Europa, poena.

Kaj je Zkupglasznik?

Je Szlova, koja prez Pomochi druge Szlove izgovoritisze nemore: v. P. pri Szlovi B, chujesze zajedno E, kakti BE, niti drugach Glasza kakvoga imati more.